



Il mas-chalch da Sent

www.sent-online.ch

sent@engadin.com

october / november 2024

MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Hatecke, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publichar arrandschamaints han seguaintas pussibilitats:

- Mas-chalch da Sent : tenor infuormaziuns sülla prüma pagina
- Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- Chalender d'arrandschamaints da la destinaziun turistica:

www.engadin.com => "Allegra das Veranstaltungsmagazin" => Veranstaltungen erfassen opür

<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan plazzats adüna la gövgia illas chaistas nairas.

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>

Ingüna reservaziun da plazzas - la chascha es averta ün'ura avant il concert.

Dumengia, als 3 november 2024, a las 17.00, CHF 25.-

REGORDANZAS DAD ÜNA CITÀ

Niculin Janett – saxofon e cumposiziuns, Flurina Sarott – violina, Andreas Gabriel – violine, Dominique Polich – viola, Cristina Janett – cello, Lukas Traxel - bass

La gruppa cun Niculin Janett es in gir cul program « Souvenirs d'une ville ». Dürant ün sogiuorn a NewYork ha Niculin Janett ramassà ispiraziuns. Quist ensemble maina alch glüms da l'immensa cità a Sent.

A SENT BE RUMANTSCH

Chars convaschins

Da dumengia ils 3 november infin sonda ils 9 november ha lö noss'eivna « a Sent be rumantsch » per la setavla jada. 40 partecipants e partecipantas impromettan da discuorrer be rumantsch, tanter dad els, sün via ed in butia. I'ns fess grond plaschair scha vo tuots tils sustgnessat discurrind eir vo cun els in nos sen « be rumantsch ».

Grazcha fichun per vos agüd !

Cla, Andri, Regula, Marianne e Cristina



GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café
mardi e sonda / Dienstag und Samstag
Nus ans allegrain da Lur visita!

17:00 -19:00

Glüsch' ad ün glüschir / Berglicht

Exposiziun – aquarels dad Anna-Leta Schucany

Suot il titel "Glüsch' ad ün glüschir / glüm da muntogna" muossa Anna-Leta Schucany aquarels, ch'ella ha pitturà d'ürant differentas periodas da lavur in Engiadina Bassa, Engiadin'Ota, illa Surselva ed i'l Tirol dal Süd. Punct da partenza da las lavurs preschantadas sun d'üna vart la cuntrada cun sias fuormas e culurs e da tschella vart adüna darcheu la glüm in abundanza.

L'autodidacta es nada e creschüda sü a Turich, e grazcha a sias ragischs da famiglia ha ella üna colliaziun culla cuntrada, la cultura e la lingua da l'Engiadina Bassa.

L'exposiziun es averta la sonda ed il mardi, 17.00 - 19.00, fin als 07-01-2025

www.schucany.wordpress.com

"Üna Grischuna da nom e da pom"

Prüma rapreschantaziun! Ün teater musical in occasiun dals 500 ons Republica da las Trais Lias.

Sonda, 9 november, 20.15 e dumengia, 10 november, 17.00

Entrada CHF 25.00 / 20.00 / uffants 10.00

In sonda davo il teater festa per la prüma rapreschantaziun e bus da cultura gratuit vers Scuol, Ftan, Ardez, Tarasp.

Üna Grischuna da nom e da pom – eine Bündnerin von Rang und Namen.

“Cun forza, impertinent e curschus ans mainan ün pêr Grischunas sün ün viadi cun raquints tras biografias femininas dal temp passà. In möd contemplativ e pür rivan ellas lur cour a regard l'esser duonna i'ls ultims tschinch tschientiners.

Cun ir sur munt e val svanisch il preschaint. No inscuntrain a duonnas da l'ota nöblia grischuna, bavain tè cullas chombreras da quellas e cucchain tras la foura da clav da lur metressas toleradas. No guardain sur las spadlas dal model dal pittur, observain a la paura Gualsra co ch'ella fa cun fain, accompagnain a la figlia scolada dal ravarenda e stain be stuttas da la sapienza politica da la prostituada da cità.

Ün inscunter narrativ, accompognà da musica müravgliusa sco regal d'anniversari teatral inscenà per la festa da 500 ons da nossas Trais Lias. Pitschen e fin, persistent e pür.”

Teater: Felicitas Heyerick, Monika Curschellas, Marlene Feurer, Anita Mark

Accordeon e chant: Sidonia Caviezel

Composiziun: Nina Mayer

Text, redschia ed inscenaziun: Annina Giovanoli

Producziun: far da las bellas IN DER KULTUR / www.annina-giovanoli.ch

FANESTRAS D'ADVENT A SENT

Eir quist on faina darcheu las fanestras d'Advent d'ürant il mais december. Chi ha gust ed interess d'imbellir il cumün cun üna fanestra d'Advent ?

P.pl. tour sü contact cun Gianna Rauch Poo, telefon 076 450 18 14.

TRAR CHANDAILAS PER UFFANTS

In **sonda, ils 9 da november 2024** organisaina darcheu il di da trar chandailas per uffants. L'arrandschamaint ha lö sün Plaz, quai a partir da las 11.00h fin las 15.00h. Pel bainstar esa pisserà, sper differentas bavrondas daja raclette, hot dogs, schoppa da giuotta e tuorta.

No ans allegrain da pudair salüdar üna pruna uffants cun lur genituors.

Gruppa da gö tartarugas Sent

CORPORAZIUN EVANGELICA SENT**Cults divins**

DUMENGIA, 3 NOVEMBER

Cult divin per la Dumengia da la Refuorma

10.00, rumantsch, rav. Jon Janett

Orgel: Urs Wittwer

Davo il cult divin radunanza da preventiv

DUMENGIA, 17 NOVEMBER

Cult divin

10.00, rumantsch, Seraina Guler, predichanta laica

Battaisem da Nino e Mauro Buchli

Orgel: Aita Biert

DUMENGIA, 24 NOVEMBER

Cult divin per la Dumengia dals morts

10.00, rumantsch, rav. Magnus Schleich

Orgel: Pasquale Bonfitto

Eucharistiefeier, röm.-kath.

19.00, deutsch/rumantsch, Pfr. Chr. Willa

Orgel: Peder Vital

Uffants

La predgina ha lö ils seguaints venderdis in november, 8, 15, 22 e 29 da las da las 16.00 – 17.00 in chasa da scoula.

Infuormaziun: Seraina Guler, 079 828 90 36

Adressa:

Margrit Uhlmann, Avant Baselgia 80, 7554 Sent

079 585 28 58, margrit.uhlmann@bluewin.ch, sent-reformiert.ch

Barbla Buchli, Avant Baselgia 75, 7554 Sent

081 864 02 78, barbla.buchli@bluewin.ch